

甯邑鍾氏支譜



儀彩兄弟











先賢箴語

儀彩兄弟

子孫豈能必其貴顯得孝友之士為佳門庭何必定是  
高華有忠厚之風為盛

子於父母是以天合婦於舅姑是以人合子順父母是  
本天以盡人乃為孝子婦順舅姑是以人而合天斯為  
孝婦子不孝則逆夫天人其棄之矣婦不孝則反夫人  
天必厭之矣

處富貴之境要知貧賤人痛癢值少壯之日要知衰老  
人酸辛居安樂之場當思患難人景况立旁觀之地要



識局中人苦心

待人寬一分是福利人實利己之根處世讓一步爲高  
退步卽進步之本空中造謗造的是本身罪惡暗裡算  
人算的是自己兒孫

語不可說盡謀不可用盡勢不可逞盡衣不可穿盡味  
不可喫盡福不可言盡留此不盡者以貽子孫孝莫辭  
勞轉眼卽爲人父母善毋望報回頭但看爾兒孫

世間第一種可敬人忠臣孝子世間第一種可憐人寡  
婦孤兒



讀書起家之本勤儉治家之本和順齊家之本循理保  
家之本

一事而繫人終身縱實見確聞不可著口一語而傷吾  
長厚雖間談酒謔慎勿形言

毋以小嫌而疎至戚毋以新怨而忘舊恩富貴之家常  
有穹親戚往來便見忠厚融得性情上偏私便是大學  
問消得家庭中嫌隙便是大經綸

靜坐然後知平日之氣浮守默然後知平日之言躁省  
事然後知平日之費閑閑且然後知平日之交濫勤學



然後知平日之業荒近情然後知平日之念刻待有餘  
而後濟人必無濟人之日待有暇而後讀書必無讀書  
之時  
同氣連枝各自榮纖微言語莫傷情一番相見一番老  
能得幾時為弟兄  
兄弟同居忍便安莫因毫末起爭端眼前生子又兄弟  
留與兒孫作樣看

居家格言

凡為家長必謹守禮法循理義畏官法以御羣子弟及



家眾分之以職授之以事而責其成功制財用之節凡  
理財先輸貢賦供徭役後及家事量入以爲出稱家之  
有無以給上下之衣食及吉凶之費者皆有品節而無  
不均一裁省冗費禁止奢華常需稍存贏餘以備不虞  
凡子婦孫媳僕妾衣服飲食力役爲家長者量家有無  
必預立一法均一分給無有偏向則家道和矣  
凡治家貴忍昔張公藝九世同居北齊隋唐皆旌表其  
門麟德中高宗封太山幸其宅召見公藝問其所以能  
睦族之道公藝請紙筆以對乃書忍字百餘以進其意



以爲宗族所以不協繇尊長衣食或有不均卑幼禮節

或有不備更相責望遂爲乖爭苟能相與忍之

則家道  
雍睦矣

人之愛子罕亦能均自古及今此弊多矣賢俊者自可

賞愛頑鈍者亦當矜憐有偏寵者雖欲愛之適以禍之

共叔之死母實爲之趙王之戮父實使之劉表之傾宗

覆族袁紹之地裂兵亡可爲明鑑矣

上智不教而成下愚雖教無益中庸之人不教不知也

古者聖王有胎教之法懷子三月出居別宮目不邪視

耳不妄聽音聲滋味以禮節之書之玉版藏之金櫃子



生咳噎師保固明仁智禮義導習之矣凡庶縱不能爾  
當撫嬰稚識人顏色知人喜怒便加教誨使爲則爲使  
止則止比及數年可省笞罰父母威嚴而有慈則子女  
畏慎而主孝矣吾見世間無教而有愛每不能狀飲食  
運爲恣其所慾宜誠翻獎應訶反笑至有識知謂法當  
爾驕慢已習方復制之捶撻至死而無威忿怒日隆而  
增怨逮於長成終爲敗德孔子云少成若天性習慣如  
自狀是也俗諺云教婦初來教兒嬰孩誠哉斯語其  
兄弟者分形連氣之人也方其幼也父母左提右絜前



襟後裙食則同案衣則傳服學則連業遊則共方雖有  
悖亂之人不能不相愛也及其壯也各妻其妻各子其  
子雖有篤厚之人不能不少衰也娣姒之比兄弟則疏  
薄矣今使衰薄之人而節量親厚之恩猶方底而圓蓋  
必不合矣惟友悌深至不爲傍人之所移者免夫  
凡庸之性後夫多寵前夫之孤後妻必虐前妻之子非  
惟婦人懷嫉妬之情丈夫有沉惑之僻亦事勢使之然  
也前夫之孤不敢與我子爭家提攜鞠養積習生愛故  
寵之前妻之子每居己生之上宦學婚嫁莫不爲防焉



故虐之異姓寵則父母被怨繼親虐則兄弟爲仇家有此者皆門戶之禍也

誠齋楊氏云片瓦條磚皆非容易寸土尺地無使拋荒疎惰乃敗家之原勤勞是立身之本大富由命小富由勤男子以汗血爲營女子以燈花爲運門戶事多併力支持栽苧種麻助辦四時之衣食耕田鑿井安排一歲之糧儲育養犧牲追陪親友看蚕織絹了納官租日用有餘全家快活世間破蕩之輩懶惰之家天明日晏尙不開門及至日中何嘗蚤食居嘗愛說大話說得成作



不成年少專好閒遊只好吃不好作男長女大門戶難  
當用度日日如常穿喫朝朝相似欠米將衣去典無衣  
出賬賣田豈知淺水易乾真是穹坑難滿不思實效專  
好虛花萬頃良田坐食亦難保守光陰迅速一年又過  
一年早宜竭力向前庶免饑寒在後喪門或車之於代  
人家過信風水拘忌年月致有數年不葬其親者忍心  
害理莫此爲甚夫人道向明鬼道向暗故曰葬者藏也  
不藏則體魄不安以國法而言過期而不葬其親者  
罪據古禮而言三年之喪未葬則不可以除服豈有人



焉可終身服斬衰乎知悼子在堂平公張樂宴飲師曠  
猶非之豈親骨尙爾暴露而爲之子者顧可宴樂而不  
忌乎

奴僕固不可縱朕必莊莊慈畜使之得所故恤其饑寒  
則約束爲有力矣在己無暴戾在物無冤刑則鞭朴爲  
有威矣昔陶淵明爲令時遺一力力者一成及其子

誠之曰此亦人子也可善遇之此亦人子四字真仁人  
之用心

奢之爲害以律身則無度以居官則不廉戒哉



擇配珍言 在慕雲

子女慎擇配莫問富與貧家聲貴清白士農不必分積  
德有家教此便是良因世人動擇富轉眼貧已臻每見  
德門婦多出自寒津若娶富貴女輕薄且驕嗔牙行並  
胥吏切莫與論婚習氣既不善心性是難馴擇婿良匪  
易漸擇婦更須論人家興與替所關在閨門枕邊言易  
入漸漬移本真况乎所生子尤類母爲人妻賢夫寡過  
母善子多涓庇蔭及後世麟趾歌振振

朋友箴



朋友講習以義而合合志同方營道同術損友宜遠益  
友宜親友生之益攻玉斷金聞善相告見善相示取友  
輔仁尊賢忘勢與子言孝與臣言忠與兄宜友與弟言  
恭在野切切在朝惓惓不爭不黨德業交資出門有功  
中孚起化聲應氣求能通天下

司馬溫公

誠實以啟人之信我樂易以使人之親我虛己以聽人  
之教我恭己以取人之敬我自檢以杜人之議我自反  
以免人之罪我容忍以受人之欺我勤儉以補人之侵



我警戒以脫人之陷我奮發以破人之量我遜言以免  
人之詈我危行以銷人之鄙我定靜以處人之擾我從  
容以待人之迫我游藝以備人之棄我勵操以去人之  
污我直道以伸人之屈我洞徹以解人之疑我量力以  
濟人之求我盡心以報人之任我弊端切勿創始於我  
凡事不可但私於我聖賢每存心於無我天下之事盡  
其在我

他箴

讀書知禮之人不可慢他高年有德之人不可輕他有



恩有義之人不可忘他無父無君之人不可饒他忠言  
逆耳之人不可惱他反面無情之人不可交他平生梗  
直之人不可疑他過後反覆之人不可託他富貴暴發  
之人不可羨他時運未來之人不可欺他不識高低之  
人不可採他不達時務之人不可依他輕諾寡信之人  
不可准他花言巧語之人不可聽他好訐陰私之人不  
可近他恃才撒潑之人不可惹他飲酒不正之人不可  
請他來歷不明之人不可留他貧窮性急之人須要慰  
他顛危落難之人須要扶他



王文肅公本箴

孝弟爲立身之本忠恕爲存心之本立志爲進修之本  
讀書爲明理之本嚴肅爲正家之本勤儉爲保家之本  
寡欲爲養心之本慎言爲遠害之本擗節爲却病之本  
清謹爲當官之本謙厚爲待人之本擇友爲取益之本  
虛心爲受教之本自修爲止謗之本方便爲處事之本  
權宜爲應變之本膽畧爲任事之本實勝爲得名之本  
凝重爲受福之本積善爲裕後之本一經爲教子之本  
三立爲不朽之本凡事皆有其根本君子專力於務本



聖賢以心地爲本天下莫病於無本

血氣忍箴

失名

忍爲眾妙之門當書忍字佩服富者能忍保家貧者能  
忍免辱父子能忍孝慈兄弟能忍義篤朋友能忍情長  
夫婦能忍和睦忍時人皆恥笑忍過人自愧伏張公九  
世同居只以忍爲題目

讓箴

丙要伶例外要癡獸聰明逞盡惹禍招災無心之失說  
開罷手一差半誤那箇沒有讓得小人纔是君子一般



見識有甚彼此

讀書箴

岳蒙泉

莫高匪天書括其旨莫厚匪地書載其理莫大匪道書  
 盡其要惟不讀書遂成頑愚涵養德性變化氣質惟書  
 為功惟讀為力勉之勉之開卷有益戒之戒之不學無  
 術

戒忿箴

血氣之忿君子戒焉小而不忍獲戾召愆如火方生勿  
 使之燃如泉始達用塞其源忘身及親忿導於前力自



克制神和氣恬犯而不校斯爲大賢

戒酒箴

酒名狂藥伐德亂性自非哲人鮮克自勝居官耽此昏  
怠厥政士庶沉湎顛倒其行導淫爲媒助忿致競明者  
以迷謹者忽橫麴蘖一荒百事失正外則生禍內亦致  
病腐腸損胃乃促其命

戒賭箴

驕縱不檢博奕爲娛廢時失事檢蕩閑踰淫盜之媒禍  
敗之符百弊叢生家範全無微而服用大而田廬呼盧



不已委棄須臾欲觀其效請驗鄉閭敗者紛紛成者誰


戒游箴

懵者與游何補於吾黠者與游必有所圖詢我先疇窺  
我先廬引蠹入室為患匪虛浮蕩之子切勿與俱遊春  
看劇博奕玩娛逐酒食終日街衢比匪日近正士日  
疏上達無路下達可虞後園不窺卓哉仲舒

十能祝

石天基

能知足受用人生千萬福能讀書榮顯科名成大儒能  
孝親兩子承歡照樣行能教子後代興隆全在此能勤





儉闔家飽煖無嗟怨能謙和遍地人歡樂事多能節慾  
延年却病精神足能安分得失窮通都不問能忍耐作  
個懦夫無禍害能謹言是非爭訟不牽連

八反歌

出冊桂籍  
未詳姓氏

幼兒或詈我我心覺喜歡父母嗔怒我我心反不甘一  
喜歡一不甘待兒待父何心懸勸君今日逢親怒也將  
親作幼兒看  
兒曹出干言君聽常不厭父母一開口便是閑多管非  
閑管親掛牽皓首白頭多諳練勸君敬奉老人言莫教



乳口爭長短

幼兒尿糞穢君心無厭忌老親涕唾零反有憎嫌意六  
尺軀來何處父精母血成汝體勸君敬待老來人壯時  
爲爾筋骨敝

看君晨入市買餅又買糕少聞供父母多說哄兒曹親  
未膳兒先飽子心不比親心好勸君多出糕餅錢供養  
白頭光陰少

市間賣藥肆惟有肥兒丸未有壯親者何故兩般看兒  
亦病親亦病醫兒不比醫親癩割股還是親之肉勸君



函保雙親命

富貴養親易親常有未安貧賤養兒難兒不受飢寒一條心兩條路爲兒終不如爲父勸君養親如養兒凡事

莫推家不富

養親止二人常與兄弟爭養兒雖十餘君皆獨自任兒

飽煖親常問父母飢寒不在心勸君養親須竭力當初

衣食被吾侵

親有十分慈君不念其恩兒有一分孝君卽揚其名待親暗待兒明誰識高堂養子心勸君漫信兒曹孝兒曹



管子  
卷之八  
八  
樣子在君身

楊椒山先生遺屬

與人相處之道第一要謙下誠實同幹事則勿避勞苦  
同飲食則勿貪甘美同行走則勿擇好路同睡寢則勿  
占牀蓆甯讓人勿使人讓我甯容人勿使人容我甯喫  
人虧勿使人喫我虧甯受人氣勿使人受我氣人有恩  
於我則終身不忘人有怨於我則卽時丟過見人之善  
則對人稱揚不已聞人之過則絕口不對人言人有向  
爾說某人感爾之恩則云他有恩於我我無恩於他則



感恩者聞之其感益深有人向爾說某人惱爾謗爾則  
云他與我平昔最相好豈有惱我謗我之理則惱我謗  
我者聞之其怨卽解人之勝似爾則敬重之不可有傲  
怠之心人之不如爾則謙待之不可有輕賤之意又與  
人相交久而益密則行之邦家可無怨矣

先儒戒不修治墳墓說

子孫與祖宗乃一體相關者也墳墓爲先人體魄所藏  
弗修弗治弗防弗衛奚以子孫爲哉近見世人送棺入  
土之後卽若大事已了每年詣墳不過兩次匆匆一拜



卽便散去壙圻棺壞不問也雨淋水漬不審也樹木斫  
伐不究也人畜作踐不察也狐兔穴冢不知也祖先如  
此受苦而爲子孫者洞房密室飽食酣眠安乎否乎文  
昌帝君訓世文曰七世祖考有一不安則子孫不能發  
達如水浸風吹槨圻棺朽蛇獸穿穴死者不能自爲必  
望子孫修好倘忽畧不修則高曾受苦而子孫困窮疾  
病患難死亡凋零顛沛道經云每歲立臘北帝統御隨  
處地方陰兵神鬼細查人家墳墓察罪釁根由以及子  
孫之姓名如有棺壞風吹水浸等事卽察其子孫薄先



祖之罪暗使其漸也貧乏或孤寡久病或子孫夭死如  
墳塋修整祭享豐隆卽察其子孫之能厚根本能敬祖  
先暗使福祿徐增功名顯達是故世間有人平生無惡  
孽竟或天或貧或殘疾或死絕愚人不知其故皆曰命  
也前世事也正不知其薄先祖而天神罰之也有人平  
生無善功竟或富或壽或康甯或顯貴愚人不知其故  
皆曰命也前世修來也正不知其培根本而天神賞之  
也聖訓煌煌並非虛語且水源木本理本相關沒者不  
甯生者欲康強逢吉無是理也子孫掃墓寒烟蔓草愴



焉生悲乃情所不能已者一年到此祇有兩日何忍恻  
焉竟去必須流連冢次周察情形如有壞處卽急修治  
夫生人之宅垣缺卽補屋漏卽修祖先之墳何可異視  
欲免困窮疾厄之罰當先發仁孝之思而以墳墓爲急  
務也可

司馬溫公曰葬者人子之大事死者以窀穸爲安若久  
停不葬猶行路未歸是以孝子雖愛親不敢久留也卜  
地之義止求不爲風水所侵不爲蟲蟻所蝕不爲耕犁  
所及他日不爲道路城郭溝池足矣若惑於房分之說



兄弟終年牽制則不孝而至愚者也蓋吾心若善地雖不吉無害也心或不善地雖吉無益也許氏家則曰凡葬親不宜過遠庶使後之子孫雖有貧窮尙易至墓祭掃否則目前縱不失時而日後便有不可必者甚而竟有爲地豪侵占不可不思又先哲云遷葬非得已也濱於水則遷櫬於客土則遷必爲城郭道路則遷合而窆之則遷凡以爲死者也非是則否又云擇地一事爲人子慎終之要務孔子有卜兆宅之訓孟子謂比化者無使土親膚程子有避五患之戒朱子謂必誠必信不使



爾色錄曰  
少  
有他日之悔聖賢垂教其謹如此誠以生養死葬爲  
人子兩大事而葬又必慮夫親魄之安危且死者旣甯  
則生者自昌先正所謂由根達枝誠定理也

先儒戒溺女說

人非產於空桑孕於浮木塊然七尺皆是男精女血而  
成溺女一事罪孽甚大迷者不曉未有警醒之言動其  
聽耳爾之母亦人之女也爾之妻亦人之女也若無女  
爾烏得有母爾烏得有妻爾第殺爾之女並未殺爾之  
母與妻然充爾殺女之心不啻殺爾之母殺爾之妻也



入倫之禍至此極矣尙忍言哉律云故殺子孫者依例  
擬徒是溺女者王法所不宥矣卽曰閨房曖昧之中司  
牧者見聞所不及肆意而爲無復顧忌不知天地好生  
鬼神惡殺幸不罹於王法豈能逃彼冥誅吾願人懼王  
法畏冥誅則人倫之禍庶幾能息矣何龍圖溺女歌曰  
虎狼性至惡猶知有父子人爲萬物靈奈何不如彼生  
男與生女懷抱一而已我聞殺女時其苦狀難比胞血  
尙淋漓有口不能語伊嚶盆水中良人得乃死吁嗟父  
母心殘忍一至此我因勸吾民毋爲殺其女荆釵與裙



布未必能貧汝女性最柔慈愛親甚於子男子多出外  
女恆守父母男子多違拗女恆順父母男子多遠遊女  
恆依父母男子少悲哀女恆哭父母女有孝順心每每  
救父母女有好夫君每每顯父母不觀緹縈女免其父  
刑苦不觀唐香女救父而扼虎單氏年十八能令父喪  
舉曹娥年十四沉江覓父體古女賢孝儔甚多難筆記  
有司或表閭朝廷或欽賜也有為嬪妃也有夫人類若  
能存他命報施應不悖

人命顏茂猷遏淫說



諸惡孽中惟淫孽爲最蓋淫念一萌便思邪緣相湊生  
幻妄心設計引誘生機械心少有阻礙生嗔恨心忌人  
之有生妬毒心奪人之有生殺害心種種善願由此消  
種種惡孽由此起此森羅鐵榜必以淫爲萬惡首也然  
而庸夫俗子顯蹈明行甘同禽獸至學士文人誦習聖  
賢竟爾自號風流侈談情種嬌豔無心顧盼輒視爲有  
意之凝眸深閨不無笑言便揣作多情之勾引或賄不  
足餌而以才誘或直不能遂而以巧謀繾綣則託於風  
因邂逅便神爲天合機關不止千般流毒直兼數世不



思月下花間爲樂有限粉白黛綠轉眼卽空至惡因日  
積顯則傾家蕩產半生之名利皆虛陰則削祿減年一  
世之榮華盡喪大則虧體辱親鄉閭共忿小則辱身賤  
行流落堪嗟甚至敗露觸凶而七尺之軀頃刻作刀頭  
之鬼奈世之溺於此者動曰何傷嗟乎天下飲何傷之  
毒者豈少哉夫殺人者殺其一身淫人者殺其三世蓋  
穢德必彰惡聲易播上而殺其父母矣中而殺其夫矣  
下而殺其子女矣恥懸眉額之間痛纏心骨之內無異  
挾白刃而劊人三世之腹而猶曰何傷吾誰欺欺天乎



况昔人親見陰律云姦人妻者得子孫淫佚報姦人室  
女者得絕嗣報試觀好淫之家不報於妻妾卽報於女  
媳醜身籍籍污人聽聞至若婢女僕婦尤易行姦不知  
家政不肅家道不和強半由此或妬妻鞭撻以傷生或  
悍僕反顏以叛主或父子不知而聚麀或兄弟交迷而  
薦寢甚者以骨肉胞胎淪爲賤媵後人不知誤狎名有  
主僕之分陰有兄妹之戚傷風敗俗所不忍言况遇尸  
瘠之婦瘡毒之妓性命莫保形體臭爛生子率皆不育  
嗟何及哉顧巫雲楚岫幻夢方酣誰爲喚醒惟在當境



之初動念之始急思降伏能惕然思曰淫人妻女妻女  
亦被人淫若何視人之妻如己妻之惡人犯視人之女  
如己女之惡人淫此爲上也其次眼光落回妖態攢心  
有慧劍一焉曰忍而已矣狠忍而已矣飢不食虎餐渴  
不飲醜酒忍之說也蝮蛇螫手壯士斷腕毒矢着身英  
雄刮骨狠忍之說也要其得力則又在平日父兄師友  
訓迪漸染之功務使胸中於禮法因果確信不疑觸境  
猛省自能瞥地迴光歷觀古之賢達片刻操持於己何  
損而登大魁致顯位得富貴福子孫較之半世黃卷青



燈與他途積德累仁者遂事半功倍人何苦以俄頃之  
歡娛博終身之荼毒甘蹈下愚若此哉然能始迷而終  
悔即可災去而福隨上蔡先生云天道禍淫不加悔罪  
之人萬一失足能及早省悟猶未晚也

王陽明先生訓子歌

教兒曹聽訓示。勤讀書。敦孝弟。學謙恭。循禮義。節飲食。  
戒遊戲。毋說謊。毋貪利。毋任情。毋鬪氣。毋責人。但自治。  
能下人。是有志。能容人。是大器。凡做人。在心地。心地好。  
福可冀。心地惡。禍莫避。譬樹果。心是蒂。蒂若壞。果遺棄。



吾教汝。卽此意。諦聽之。須切記。

程月川先生息訟小兒歌

士民偕來聽小兒歌。典詞構訟。貽禍實多。訟師顛倒筆  
底藏戈。官府婪索。平地生波。奸書播弄。山妖水魔。虎差  
恐嚇。長鬣巨鼉。不飽其欲。罪撻禍羅。枷鎖牢獄。飢寒痛  
疴。廢時失業。田產消磨。忿爭細故。鄉黨勸和。光天化日。  
其樂如何。

又歌

在連州作

小兒歌。小兒歌。歌詞雖俚。義不訛。非有大冤。莫好訟庭。  
訟



之下冤情多。漫說青天分皂白。世上幾箇包圍羅。公差如虎吏如豺。行行色目須安排。一言不合官人怒。鞭撲紛紛雨點來。飢寒病瘵困牢獄。母妻問視門不開。小兒歌。汝聽止。有錢者生。無錢死。從今莫聽訟師言。留下田園與孫子。

子弟不宜輕令隨任

官衙習氣最足壞人子弟。凡家居不應有之事。官中無所不有。衣美食肥。猶其小者。子弟血氣未定。易爲所惑。且僕從輩唯恐不當公子之意。用事者以此固寵未用。



事者以此邀恩一有所溺父兄之教難行爲害不淺况  
官非世業子弟飽煖嬉間筋弛骨懈設不能仰給於官  
將無所恃以自立故惟子弟可治儒業者攜之官中俾  
受嚴師約束其他不若各就所長令其在家治生以爲  
久遠之計

財不可入私室

問出納於室人嗇者出之不易或誤事機奢者用之無  
節必致匱乏且財之所主權之所歸若之何勿慎

敬惜字紙



敬惜字紙善報及不敬不惜惡報諸書言之詳矣凡我  
同人不得以字紙糊窗拭桌及口嚼足踏諸惡習至於  
途中見字紙穢溺者自當拾歸焚化但焚化之灰仍不  
得隨手棄置亦積福之一端也

祔食論

禮無後者從祖祔食蓋不得專祭設主祖旁也考古祔  
位多設於祠之東西廂劉垓孫則分男東女西其班以  
上下爲序朱子則設於祠之兩旁正位三獻畢使人分  
獻祔位是古無後者未嘗無祀也自鄉俗禮意不明此



條廢不講矣夫同爲祖宗一脈而聽其沒無所歸似非所以仰體祖宗之意是宜有以處置之然欲盡人而祔使壹同於有後于理亦似難通今爲設法凡無嗣而祔食祖宗總以能出捐項而有益於主脈者爲主古稱祖宗爲主其有田產者量捐田產入祠其無田產者量捐銀兩入祠以修寢廟以佐烝嘗是皆於祖宗有益理宜祔祀者也今後以此爲例或曰若是則有捐者祔無捐者不祔似涉偏枯而非大公之道曰否否夫世之無後者多矣世之無後而些窳偷生畧無積聚甚至流爲



匪僻飄泊失所者亦正不少若夫克自樹立者或慎守  
先業而悲伯道或成家白手而嗟若敖或貞婦撐持而  
夫後莫繼或隻身營積而潔居不娶及其老而沒也有  
銀有田用勸祀典生旣可以對家族沒亦可以對祖宗  
視夫些窳偷生飄泊失所者則迥不侔矣以此入祔而  
勸懲之理寓焉夫何不公之有至於讀書成名有光宗  
祏又或德望材幹爲族所嘉賴而不幸無後者該族酌  
議入祔不在捐與不捐

親睦論



詩曰豈無他人不與我同父言兄弟之相關注也又曰豈無他人不與我同姓言宗族之相維繫也夫兄弟爲吾兄弟雖或有前母後母嫡母庶母之分要皆一父子也宗族爲吾宗族雖不無親支疎支遠支近支之分要皆一祖之孫也是故以父母之心爲心者天下無不友之兄弟以祖宗之心爲心者天下無不睦之族人君子篤於親所厚者不宜薄矣自世俗澆漓人情變詐於是有乖手足之愛而兄弟相構忘葛藟之庇而宗族相攻者大抵積嫌成怨積怨成仇其原起于利欲之私



而又動於意氣彼此不肯相下耳况復有宵小輩乘瑕  
抵隙從中教唆播弄於是角勝爭雄甚且紛七訐訟至  
於俱傷兩敗而不顧是可嘆也夫人莫不有兄弟而不  
必皆和莫不有宗族而不必皆睦要在平心降氣能退  
能讓思及父母而兄弟之怨消思及祖宗而宗族之仇  
解不聽人教唆不容人播弄蠲一時之忿息一己之爭  
惇一心之仁釀一家之福兄弟宗族藹然雍然一本於  
至情至性豈非門庭之慶而宗祏之光也哉願吾族人  
共勉之



公祖邱墓記舊譜

我族自宋季落籍以來數百年於茲諸凡公眾祖墓爲  
通族所宜展祭修理者一一錄出庶族人共念本源不  
以遠祖而致遺忘不以公祖而有推諉也謹按始祖  
千駟公夫婦葬北湖盤泉勒馬山西山卯兼庚甲其地  
後枕盤泉前對紫陽爨石刊碑屹然一大兆域再傳爲  
明一公葬五都十二區貓公冲側鰈魚寨尾今爲流泉  
冲甲山庚向面朝山水冲左有石觜青龍包護亦隩區  
也婆胡氏葬紫陽觀右邊獅形天穴三傳從三公



葬二都八區溫泉鄉黑泥塘辛山乙兼酉卯 婆熊氏  
葬本處虎形山之左乾山巽向四傳 必華公葬二都  
石井企湖鍾家灣門首塘邊係丙午來龍巳龍入首土  
名龜形巽乾兼巳亥 婆黃氏葬二都八區鍾家本灣  
屋後巳山亥兼辰戌老譜曰鍾家灣又曰本灣蓋我鍾  
氏下屯落籍處也五傳 勝宗公葬 千駟公墓下盤  
泉發脈象形山在大花塘上辛山乙向 婆賀氏葬盤  
泉下大青山冲壬山丙向六傳 圓公夫婦七傳 震  
公俱葬五都五區東湖塘下 婆山據 震公墓誌稱



為鴉山蓋鴉與丫音相近丫婆其俗名也 圓公墓壬

山丙向 婆鄧氏甲山庚向 震公墓申山寅向其地

於平原中略起墩阜四面皆田恐鋤犁侵削因立界石

防護震公 婆武氏葬石井龍潭州之原辛山乙向

次婆喻氏葬艾葉衝乙山辛向凡此七世邱壟為吾甯

鍾氏公共祖墓又 駟公之父 景仁公夫婦葬二都

企湖虎形山 駟公之叔 興世公夫婦葬石井下猛

虎形俱在二都八區為吾甯鍾氏及湘邑 嶺公後裔

公共祖墓凡我族人每歲必須輪取數人詣墓掛祭省



視除剪荆棘培補頽塌庶幾兆域永保用敦本源之念  
於無窮云

仰祖祠記

我高祖 仰松公以忠厚裕箕裘毓我 曾祖昆弟六  
人既各畀以產業乃卜樟樹塘山地爲夫婦宅兆且存  
塘下田二畝二分以供祭掃其計畫遠矣雍正年諸先  
人卽其地構祠祠 公公以上設昭明公及歷代總主  
尊所自也公以下凡六房逝者各以昭穆祔焉逮所親  
也額曰仰祖祠紀實也且志景仰之意焉欲子孫弗忘



也歲入佃租

若干

石倚辦清明祭祀先期一二日值事

者例供紙爆諸儀品每房輪取二三人由仰松公起上

而公祖下而六房各邱墓一一展修掛祭以徧屆期子

姪各具衣冠蒞祠祀祖祀竟各依坐次以餽其餘當是

時神人協和一堂雍穆儼然見我仰松公之流慶彌長

也至年來田畝頗有增置蓋由值事者蓄掌祠租贏餘

無侵牟無乾沒故能稍稍擴充若此今後宜準此爲例

以愈爲將來恢廓計抑余尤有望者本嗣子姓六房今

傑公一房雖僅傳三世而我五房綿七延七方興未艾



語云修德者獲報積厚者流光庶幾益敦忠厚以上承  
先德而下裕後昆將有馨烈彌茂顯赫我家聲焜耀我  
宗祏者此則老人惓惓之意也夫

嗣孫邦憲章兩謹誌時年八十有七

仰祖祠捐入族譜紀原委

嘉慶己卯重修族譜內刊字號領收所以防遺失杜借  
賣也其譜百二十冊分領無餘我 仰祖祠刊領甲字  
九號譜既而主修章兩孫欲領無譜董事諸君易以斯  
譜予之所刊祠領虛矣迨道光庚戌 仰祖九世孫德



舒沒無嗣舒弟會高搜拓篋篋書籍見音字七號本族  
某領收因費訕退縮舒代墊某終不能償將譜附收高  
雅不私爲已有欲捐入祠謀諸尊長咸稱曰善第譜費  
當年祇壹兩有奇今則十餘金恐難得矣且德舒爲人  
忠厚樸誠奚忍任彼悲若敖之餒例無嗣者捐銀得祔  
食卽以是譜作德舒祔主捐項可也高允之於時適屆  
清明大會祠眾遵禮躋主正龕同與祀典 仰祖祠遂  
終  
眞有己卯族譜云



善長公傳

國初風氣朴淳。人遊隆古。而其中灑然物外者。猶能頤性  
真齊。得喪以全其天。故恆多耆壽。若吾鄉善長先生其  
一也。先生諱家仁。字善長。孝友純篤。得高堂。及諸昆弟。  
懽性不嗜酒。不輕怒。器宇汪涵。人莫測其涯也。平生好  
讀書。而非以馳名。不鄙夷生人產。而未嘗瑣瑣持籌握  
算。其訓子若孫亦然。曰耕讀爲人生大務。不可舍而之  
他。然耕期足食衣。毋務多藏爲也。讀期知禮義。毋逐虛  
聲爲也。人以爲名言。年四十餘。宋慈人逝。不再娶。家務



盡委諸子而已。遊神瀟泊，弄孫而外，遣興楸枰間而已。舉鄉耆，鄉里宗族咸愛敬之。至八十題扁為先生壽曰：德參耆英。又曰：一鄉人望，庶幾無溢美者。而先生年益高，精神益純，固聰明不少減於昔時。閱蠅頭細書，不藉眼鏡力。凡九十三歲乃終。嗚呼！若先生者，未嘗修屈伸呼吸之術也。而耆壽若此，而康寧若此，此其由來可識矣。而其人從可知矣。

國師風林道人與劉古而姻再晚廩膳生蔣鑑拜識

松如公傳



叔祖松如公。曾大父臨生公第六子。曾太母丁慈人所  
出也。居家孝友。而性復剛正。曾大父爲族長。能以端方  
率族。叔祖繼其志。矢公矢慎。一以正氣亢吾宗。乾隆壬  
午。倡建祠。越三年。續修譜。翕然與曾大父濟美焉。其居  
鄉。於言偃皆也豪強。扶持善類。仗義敢爲。畧無推却。鄉人至今  
稱道之。德配李孺人。以恭順佐公起家。稱賢內助。毓諸  
伯叔。皆一時碩望。孫曾亦皆克自樹立。蓋叔祖夫婦之  
承前而式穀者大矣。

姪孫 昌謹 撰



信南公傳

伯父孝友、勤儉人也。初與諸伯父析箸、遷某處、隔祖父母居四十餘里、以遠離膝下、思易業歸祖處、後接族業抵、祖父母居僅里許、以晨夕不欲違故也。是以源源而來、日數至矣。恆得甘旨、卽親供之。暨居祖父喪、癯瘠改貌、哀泣動人。迨祖母春秋日高、而伯父戲彩堂上、承歡倍至。祖母年登九十、族戚有倡題扇、製圍屏爲祖母壽者、預聞伯父、伯父卽許諾、併囑兄弟弗辭、且云、吾母上壽、不獨家之慶、爲熙朝人瑞、實邦之光。



也故當時登堂而祝繁祉者近千。人伯父素康強於課  
耕事老猶不倦。祖母嘗止之自是有事東臯戒子弟  
姪秘不以閨恐厯老人念也。兄弟每一敘會輒笑語移  
日至白首無纖芥嫌。其處鄉也和平持家也嚴肅雖晚  
年得子不事姑恤兢兢務耕讀而戒侈閒故諸兄亦克  
自樹立伯母夏慈人佐伯父家益饒可稱內助足徵其  
刑于之化云。伯父諱甸字信南壽六十九而終其生沒  
葬址及子女孫曾皆具狀世系不贅列。

脈姪士昌諱夫敬誌



武材公傳

伯父武材公，性敦孝友，而質直寡色笑。雖至親處，不肯作一詭隨事，又不肯作一依阿語。居家偏倚，悉化嚴肅。若朝廷與人言，稍不侔，輒義形於色。然人服其直，卒不以爲忤。有劉子翼，風生平尤勇於公務。乾隆壬午建祠，乙酉修譜，皆首倡共濟，而事竟成。曾值辦春秋祀事，所餘雖極纖微，悉稱量之。或存祠，或借貸，以供翼祭。其一介不取類如此。課子玉衡，日上讀書，懇懇勤勤，不撻以家務。故俱卓卓軒士林，雖屢試不售，而皆赫然爲國。



橋魁傑晚年倦家政遂詔諸子析箸其田廬山園一一  
計畫口授靡不均平或以關券請伯大笑曰吾口卽關  
也何以手書爲古稀時自卜石塘冲住宅上首爲夫婦  
壽藏壬子年伯母彭孺人卒伯父親營葬曰俟吾同穴  
耳

今上元年詔天下年八十以上者給冠帶賜秩修職郎伯  
父時年八十有二符例舉老沐恩榮焉伯於康熙乙未  
生嘉慶己未沒壽八十有五葬與伯母合冢成其志也  
今孫曾蔚起以振家聲足徵伯父積善之慶茲譜之修



日上兄與其姪茂松竭蹶從事亦可見伯父繼志繩武  
俱有其人云

脈姪 士昌謹識

### 魯一公傳

堂叔諱邦儒字魯一。叔祖善長公次子也。自少有綜理  
才叔祖素懷拓落于推物也。中年後益委錢穀於不問。叔時年方  
二十餘。卽任其勞。外內部署皆有法度。而家道益之益  
饒。俾堂上人無所顧慮。得適志。枹罫間以樂其天年。人  
稱其孝。讀書觀大意。而古今事跡能以己意論斷其間。



每出一語。非鑽研故紙者所能有。人稱其達性直。慤不少。依回鄉鄰。或詬誅。片言剖之。立釋。人以骨鯁而字魯。一因號曰魚頭公。叔聞之。晒曰。古有魚頭參政。我何敢希風萬一哉。然人卒以是稱其直不衰。諸凡義舉。無不踴躍樂爲於家。則建祠輯譜。力贊其成。於鄉則爲鄉耆。掌社穀。能以實心行朱子法。人又稱其公焉。德配陶無嗣。早逝。繼娶湯孺人。與叔相得如梁孟。育子一。象賢。而孺人旋逝。又娶譚慈人。撫象賢如己出。育二子。玉彩。庭華。無祥覽之異。今象賢列成均。玉彩庭華俱偉然。有丈



夫志皆叔父及慈人劬躬音通音安服也燾後之所致也。會炎輯家乘。爰畧敘事實而爲之傳。

鍾公慎五姻先生夫婦合傳

堂姪 炎 昌謹識

先生臨生公之二十一孫。而松如公次子也。諱邦典。字  
瀕五。號徽庵。秉性剛直仁慈。勤學業詩文。雄深雅健。屢  
試不售。棄就武。又不售。烏皮几上坐。而講論者數年。表  
兄胡錫瑛。勸入國學。將戰棘圍。以父母繼亡。莫醉壯志。  
居家尙勤儉質樸。撐擴田園。養性適情。莫非花木禽鳥。



人有善。樂於獎勸。有不善。則直言不諱。殆卽伯玉。恥獨  
爲君子者乎。其教諸子也。繩以義方。曰。讀曰耕。惟勞以  
成其愛。且慷慨仗大義。曲體親心。骨肉之親。有暈寒者。  
顧養一家。更給庄田十餘畝。令自耕種。免其租稅。先生  
可謂仁孝不食言矣。年五十五而終。德配湯老孺人。曾  
讀書識義心。惠愛性和平。佐夫子以順事舅姑以孝。而  
奩資百餘兩。不入私篋。其輕財重義又如此。况自奉則  
從儉約。而於賓朋至。必躬親中饋以相延。豈無侍婢寬  
恕待之。雖多畜產。不恐親殺。其視諸子婦。及各孫媳等。



皆如一體。是孺人蓋以麟趾騶虞為心者也。晚來閒暇  
 憇息。庶日顧幾輩孫曹。含飴以樂其天。夫何歲己卯。族  
 修譜乘。孺人捐勳盛舉。竟促八十有二之壽算。溘然棄  
 世。正值剗劂將竣。而徽音猶可刊垂不朽也。崧黍居戚  
 誼。悉先生夫婦之生平最熟。因請而為一傳。以誌其大

槩云。

七十九與姻晚生 蕭崧頓首拜撰

松溪公傳

先生為栗岑尊人德邵年高望重鄉族鑑輩崇仰者舊



矣去冬先生捐館栗岑斬然在衰經中會鍾氏修族譜  
乃遣狀欲得鑑爲先生傳嗟乎鑑於先生其得以徇愆  
辭耶按狀先生諱邦肇字先緒號松溪早失怙忘親母廖  
孺人矢節艱貞撫先生其弟添良成立事具縣志不  
贅先生少負竒氣跌宕不羈母氏約之嚴乃凜凜自  
誓平居嘗涕泣舉以告人讀書略觀大意而多所通綜  
凡史傳陰陽形家諸書皆能舉其要議論縱橫奇偉策  
可否成敗若燭照數計尤善指陳事理開諭一切每鄉  
里有構遇先生輒解卽俯張者無後言曰長者命母違



也居家力敦孝友待交游親故始終持一心與人無睚  
眦遇事必力爲調護生平全人枕卹人孤止人暴成人  
美義舉特多以性嗜方便故也德配廖以淑善稱生粟  
岑兄弟三人而沒先生潔居數十年不履邪徑不欺暗  
室其將易簣也戒用浮屠而口占靈前一聯曰三千界  
外逍遙客七十年來渾沌人此可想其超脫矣嗚乎若  
先生者固宜爲鄉族之望而上承節母下啟來勸歟

誼姪廩膳生蔣鑑拜撰

寄生老人傳




老人天真渾樸。世事多不通曉。而特尊學問。弱冠補弟子員。試輒高等。入秋闈者十有三。當乾隆己酉賓興年。七十八矣。撫軍召問慰賜。旋以恩例列名。真題。然卒不遇。性恬澹。惡言利。嘗開館授徒。所得修脯。輒隨手撒盡。不留餘爲日後計。嘗曰。世人都向錢孔中打筋斗。我則不然。但有便用耳。旣而不耐居館。挾陰陽形家之說。攜一僕走四方。諸宦族爭延致之。客有諷之者。老人軒渠笑曰。我之有生寄也。寄於東而東可也。寄於西而西可也。因自號寄生子。亦曰寄生老人。善草書。得懷素



神理。然嗜酒。書必酒。嘗醉後。濡墨一揮十數。紙筆颯七。  
 作風雨聲。時人比之張顛。兩娶卒無子。晚年倦遊。往依  
 女。猶子。東映。迎居邑城終焉。老人諱邦澤。字山咸。星齋。  
 其號。文高。簡有法。喜填詞。而詩尤超雋。今稿皆散佚。僅  
 傳歸城詩二絕。錄之以見一斑。  
 詩云。客劍年年冒寒暑。有癡難賣貧儒冠。西風短褐垂  
 垂老。笑說歸來學懶殘。  
 忙裡偷閒幾何。我生強半  
 付奔波。而今但取曹騰醉。添得鄰坊酒債多。

從姪昌斗謹撰





鍾公連六夫婦合傳

鍾公連六先生名鰲昌號道南媼伯章翁八夫之仲嗣予先伯體仁公之次壻也姿穎異齒齒受書輒解大意長尤嗜學工制藝駟馭經史語必驚人予先伯偉之嘗語人曰此天廟器也貌肥而性簡默五倫之道全以真意行之予姊亦賦質端凝謹守女箴故笄歸後伉儷綦篤奈宅相生止三齡予姊卽下世先生憂深內顧而功名之念稍墮迨鸞膠再續張慈人勤勩家政不減予姊而先生輒以之老壽藏未卜遂放懷山水間無志青



紫矣。居常博覽葬書，見曾楊廖賴諸家門戶各別，乃一以六籍爲根據，貫之以朱程張周之理，覺於堪輿之性，情形勢豁然有得於心。由是肆意登探，舉遠近之某山某邱，再四審視，而真贋畢分，觀其所扞佳城，若盤泉崙龍王廟及萬年塘諸處，類非時師所能領其趣。此卽學問緒餘而已過人遠矣。年五十九以疾卒。今其族彥謀續譜，予因爲之傳，以志數十載之苦心孤詣焉。

戊辰舉人揀選知縣愚內弟劉丕文頓首拜讌

瑞莊公傳

大夫敬合尊



伯父性倅剛潔志度淵英幼好讀書能自刻勵爲文故  
下筆驚拔長習騎射兩試藝皆入彀而不見拔莫不惜  
之自是以 祖父春秋日高倦於家政委諸伯父伯父  
有拮据而無暇逸家益起 祖父稱之曰能比析箸與  
畏父遷某處同居伯父於畏父情誼倍至一飲食一起  
居罔弗共甘苦勞逸門庭雍睦藹如也壬戌年畏父捐  
館畏長兄甫十歲一家穉弱銜恤以居伯父有經營舉  
宅之憂以至乙丑年將業易攜畏兄弟置產湘鄉多鼠  
牙雀角事惟伯父一人綜理之己巳年爲畏長兄受室



而是秋畏妣棄絳捲畏一家吉凶事莫不有累於伯父  
且畏兄弟日侍伯父側時聆訓誨至諄且詳故在諸姪  
中而畏兄弟受恩最多伯父生平慷慨有忠厚人某聊  
積數十金伯父以田佃某某乏械器悉予之無德色遇  
歲稍歉卽免其租某得藉以蓄積十倍疇昔云至爲人  
仁厚剛方 邑侯王探入縣誌不贅伯諱範昌字洪九  
瑞莊其號也年四十九而終伯母楊慈人舉男不育祇  
育女三人繼伯母秦歸伯父未匝期卒故伯父膝下無  
受書人嗚呼天道難知乃若斯也書至此畏淚潄潄下



筆不能舉畧傳其梗概以志不忘

脈姪大畏若欽謹識

尚賓公傳

伯父諱光昌字觀國號尚賓為人謹厚和平檢身踐實  
內外無不完之行自遷某處隔重祖父母居數里日來  
視膳問安否非有疾不輟其與三伯父同居凡出入起  
居必偕門內之樂且湛且孺可謂肫然無間矣所與必  
端人雅負意氣與人言稍不侔輒恚見於色然旋卽和  
洽若未嘗有幾微忤要自胸中朗潔不知有詭俗機事



之紛紛者尤疎財重義掌社穀遵古人制鄉有負欠難  
償者伯父毫不追取以私穀賠之眾議減價糶賣到秋  
易新以爲兩便併議日後穀價倘昂眾共賠墊以全社  
穀數奈值歲歉穀價騰踊而眾皆瑟縮伯父將私財數  
千金填補怡然無怨愠色其意量可睹也又年荒鄉議  
有田之家減價糶賣伯父以中人之產所收無幾會倉  
空囊匱移那銀兩若干貴買賤糶嘗云共保一方無餓  
殍流亡事大吾何吝惜爲且待人極誠嘗有負販者過  
誤視值投貨稍贏已而覺亟致其入反之其端厚類如







會昌生僅五月再顧矢冰霜以十指營餽粥雖冱寒酷暑不休以是撫孤兒成立且娶婦焉兒謹愿有至性語及父輒涕泣鄉里多母之苦節及其子之孝且賢謂當有報也奈天道難知兒年甫三十五以病瘡沒慈人慟絕者屢矣幸已舉弱孫得稍自解然事勢難矣媳青年無所恃以守除服改醮而襁褓兒又不能離母以依祖母淒涼悲苦有令人不忍言者先是夫弟智開以跡兄至陝因構業焉至是欲迎慈人同居且許二三年仍取弱孫完聚時慈人年近七十家園足自贍諸從姪足相



俟近屬內外親皆力阻之然慈人終以叔幸豐饒將來  
可爲弱孫計也因攜金附湯女舟而往至則耿耿念孫  
不置不二章得病沒聞者咸悼之論曰甚哉天道之難  
知也慈人自幼卽有家自有家卽苦乃其後復備歷諸  
苦矢志撫孤孤且成立而其不造乃若此何也語曰不  
於其身於其後人今幸而有孫天之報施其庸有待乎  
吾將以常理券之矣

從姪斗昌謹識



鍾太母張孺人九十壽序

歲丙申秋八月四日為吾邑鍾母張孺人九十壽辰。

於時月漾銀河水祥動說如藻漾。嫦娥舒影。桂飄金粟。萊子映衣。諸戚友

相與躋華堂。晉瑤爵廷景懿範。陳嘏詞。刻翠剪紅。錦文珠室祝璀璨。

徵予一言為序。予惟析木之津近觀也。近鄰北斗。婺女之宿。

俯照南方。由來巾幗。詎少遐齡。顧綏眉壽者。必曰介以

繁祉。頌徽音者。必云則百斯男。非壽之難。所以成其壽

者為難也。然則必有全福如孺人者。其真壽而賦歟。蓋

自屏開金雀鏡。舞紅鸞。年未及笄。遂歸望族。其嫻婦職。



也。舉梁鴻案。挽鮑宣車。泉有飛魚之兆。庭無比狗之嫌。數十年同心黽勉。稱賢內助焉。山南之門。必大有媯之後。其昌豈無自哉。至於玉樹挺生。則荀龍之環持也。蘭芽疊茁。則德星之類聚也。而孺人日坐堂上。開戲綵之顏。點問安之頷。百口肅肅敬之。五世祀維祀。其爲天倫樂事。何如。夫動須奉杖。養資哺乳。大耄旣至。齒髮改觀。壽而勿康。非壽也。乃孺人壽日益高。而福日益厚。飲食起居。一如疇昔。詩歌難老。不其然乎。若其以禮律身。以慈蓄眾。勤而不倦。有而不居。富而勿驕。儉而勿吝。則又美行。



淑德之彰也。在耳目間者。由此觀之。孺人之福。洵未易量矣。方今

聖天子。純孝格天。上奉

聖母。延禧永命。太和之氣。洋溢寰區。孺人適起而應之。

高大年。而昭人瑞。匪偶然也。異日百齡稱慶。賢後裔捧檄榮封。忻更與戚友。獻言

闕下。記之彤管。寵以

龍章。甯直一時。表揚聖善云爾哉。是爲序。

賜進士出身文林郎候選知縣愚外姪王忻拜撰



萬咸公傳

昔人云。生有聞於當時。死有傳於後世。求之吾族。則萬咸公其人也。公諱邦感。幼岐嶷。讀書日數行。下者儒宿學。罔不以大器目之。迨不售。廢舉子業。依依膝下。得二老。歡昆季。入人雅副。荀龍之譽。公雁行序六。他若勤儉。擴基義方。垂訓不必瑣為述。而光明正直。可羣奉為楷模者。尤見。公之物色焉。其時有比洽姓某者。家頗饒。恆招橫逆事。偶一日詣。公請教。公語之曰。喜則相慶。以結其綢繆。戚則相憐。以通其緩急。待親朋之道。



也。爾始恩義之來周歟。某歸如。公言數月。果泯睚眦。怨自是凡鉅細事。悉惟公所命。至老猶不欲其釋懷。乾隆壬午。鳩工庇材。督修合族祠宇。越乙酉。詳系彙敘。倡修譜牒。殫精竭慮。懼後爭先。族黨窺其急。公委以族尊。任數年間。秩然藹然。雍睦一堂。遇有事。公危言讜論。曉以大義。靡不帖然服。有一強悍。公協族眾怒罵。彼假公報恨。上控。意在累公。公會不介懷。彌倦。於族事。至今猶嘉賴之。垂老益康健。精力不少衰。人謂其修德獲報也。壽享八十七齡。訓不文。且生也晚。幸



際公房支譜告成。謹將平日得諸先大人所傳聞者。麤述而爲之傳。

族姪元孫明訓椿樞敬撰

鍾公茂松老大人陶老太孺人夫婦合傳

公姓鍾氏字茂松。諱大幹。君信公三子。塋之外祖父也。歲辛未舅父會高公糾其族倡輯支譜。塋因追憶外祖生前。凡立不朽業居多。雖塋謏劣。筆墨不足發幽光。理合縷述平生。俾後人得所矜式焉。公幼失怙。專倚慈帷。至成立。中年患哽噎。百治不效。母甚憂之。公窺



知其意。每見母轍。故作喜色。娛其心。母或研問病。雖益劇。公必曰。幸少愈矣。居恆委婉承歡。迄於臨終。如一  
致同懷者三人。公最幼。然其天性老成。年少而甚。歷  
練。撐門戶十餘載。躬先勤儉。致家道臻小康。禦外侮。一  
力肩之。不須鴿原急難。迨各嬰家貲財產。從兄意所好。  
擇取之人。稱其克恭厥弟。與人交和樂。坦夷胸中。不設  
城府人。咸以長者目之。鄰里雀角鼠牙。喜。公判斷無  
隱。爭相赴愬於公。或彌隙。必須微金。公卽探囊相  
與。不責人償。是以人敬愛。公無論大小釁端。得。公



一言。徃往風波頓息。平日重義疎財。以廉潔號於鄉里。嘉慶間。族眾推公。司出納。自是攝族務多年。纖毫不遺。物議其尤。迥出尋常萬萬者。昔公曾充社長。落魄者移挪莫楚。公憐其窘。竟出私積墊賠之。不復爲無益。追取。公性仁慈。凡窮苦無告者。煦嫗之。惟恐不及見。族中疲癯殘疾。情狀顛連。公倡率拯恤。不一次。又或臆盡歲終。慷慨指困。減價糶穀。此其損己利人。較世俗見人落井。不引手援。而又下之石者。相去何啻天淵。德配陶太孺人。荆釵裙布。躬修內職。無間言。育子三。



德舒。蒞之。會高。女一。卽塋母也。太孺人雖早  
逝。然生前懿範。及今猶未泯焉。塋不才。因  
告竣合。公夫婦紀。而壽諸梨棗。詎敢云闡揚潛德乎。  
亦聊誌塋之不忘。所自云爾。是爲傳。

贊曰

矜驕者敗之券。淫佚者尤之旌。貴族豪宗。一再傳。而漸  
歸消滅者。往也。坐此。公耳。不濡勢燄之風聲。目不染  
繁華之習氣。兢兢焉。守祖若父。典型不墜。預料其孝子  
慈孫。簪纓鵲起。阡陌蟬聯。正未有艾也。懿乎鑠哉。



累封建威將軍。邑庠生。愚外孫楊堃。方城氏。敬讓。

道五公傳

歲辛未。族叔祖德明公。倡輯支譜。屬訓爲其尊人道。五公諱昌達。立傳。訓曰。嘻。訓生也。晚未獲見。公烏足爲公傳。且自顧學淺。曾不能以筆墨顯公。盍卽託之修譜諸君。而猥以訓爲之傳。叔祖託之堅。訓旣不能以不文辭。因而詢公之爲人。就其口述而爲之傳。曰。公生不逢辰。未十齡。怙恃俱失。兄弟四。公居季。伯兄早亡。斯時家不甚豐。倚仲叔兩兄。扶持成立。公性友愛。



起居食息無一不惟兄命是從。數年間。兄倡弟隨。幸漸  
贏餘。稍可自慰。無何兩兄相繼寢疾。公奉之。慇懃倍  
至。如事父母然。比及下世。凡一切喪具。遵禮備治。日聊  
以酬兄勞於萬一也。居家習勤儉。交友尚樸誠。綜理族  
務。倡眾置買蘇湖塘祠產。不憚竭蹶以赴。而其重義疎  
財。尤足爲屑屑計錙銖者。媿當時有借貸於公者。  
公不計貲財。從艱苦中來。輒解囊予之。有借而不償者。  
公竟棄而弗取。更有平空而滋害者。公寬容之。不與  
較。噫。公一布衣也。儼然丈夫風概。誠可矜式里閭矣。



惜乎天不予以難老年四十八而終。德配歐慈人賦  
姿端謹內則克嫻助夫勤儉起家溫柔涉世其徽音可  
溯尤令人景仰之而不能忘。

族曾孫明訓椿樞敬撰

### 偉器公傳

傳者傳也。傳其實行而已。故凡所傳之人必其行誼足  
爲後世法而爲之傳者又熟悉其生平其文始足以信  
今而傳後非如勢位富厚之家徒藉以光紀榮名鋪張  
遺烈其詞非近於諂卽鄰於誣蓋必人可傳而後文亦



與俱傳此子所以樂為鍾公立傳也公諱昌鏞字偉器  
 號品莊世居瀉甯五都之花塘灣乾隆年公始置業於  
 邑之羅仙峯下陽湖塘尾遂徙而居焉今俗呼鍾家崙  
 以公之歌哭於斯而得名也公讀書曉大義敦孝友生  
 平慷慨好義喜濟困扶危遠近有紛爭公至立解尤好  
 以讜論規人其賢者愛而敬之不肖者聞而畏之處宗  
 族之間惟以篤本敦倫為事居鄉里則必以去強暴安  
 善良為先先是境有巨盜士紳欲勦懼其勢力不敢發  
 公至境計始決卒殲其渠魁公之力居多有小偷被獲

自三

先

鍾氏之譜

卷七



哭甚哀。詢之曰：我不畏受罰受笞，愧敗露，無顏對鍾某耳。其方正之足以服人如此。近公家有大姓，與公交好，至篤。緣有小忿，決欲興訟。訟且將不直，勢必因此受累。公以是力勸其不可，勿聽。公爲徧邀境之親友及大姓之戚好，往勸，仍勿聽。且拒之堅。眾怒拂衣去。公獨留勸，至終夜。繼以痛哭，始悟而罷訟。今公之後裔，與其家猶往來如至戚。其誠之感人又如此。故公雖沒而公之子孫蕃衍，家業振興。道光年，子因其季君之請，親詣公墓而致奠焉。見其山環水繞，定爲佳城。以是信福人自有。



福地。且以下其後之必昌。今公之第三子年九十而康  
健如壯時。其孫曾有援例登仕路者。有讀書能應試者。  
其發祥正未有艾。豈非公之德足以垂裕後昆耶。夫人  
有嘉言懿行。可法於當時。可傳於後世。雖非勢位富厚。  
又烏可聽其湮沒而不彰耶。子蓋信公之可傳。而又信  
子之知公。而可以傳公也。故因其家乘之修。而亟爲之  
傳。

邑庠生何導靜軒氏拜撰

日上公傳



叔祖父。日上公諱昌炎。少穎異。長嗜學詩文。力追先正。縣府試數列前茅。援例入監。兩試南闈未售。遂不復爭名矣。然其懿行有噴吐人口者。善事父兄。以孝友稱。課子弟以勤儉爲本。處鄉鄰秉公守正。咸敬畏之。救困扶危。樂成人美。尤篤族誼。嘉慶年。議修譜牒。因先無公項。眾畏其艱。旋寢。公乃率捐數百金。豫墊貲而備用以倡修焉。及入局。膺撰輯之任。日夜辛勤。一寒暑而告竣。至老康健倍常。享壽七十三歲。人謂由善氣所致云。

姪孫文機會高。撰



姻伯祖鍾公庭華及譚太孺人合傳

贈封修職郎。鍾公諱昭昌。字庭華。先鄉耆魯一公之

季子也。魯公樂善好義。有骨鯁風。人故謂魚頭公。而

庭公實濟美焉。公生而穎異。嗜古不倦。經典而外。兼習

形法家言。以家造多艱。遂棄舉業。而專務農桑。躬習儉

勤。茲益饒裕。所興義舉甚多。如仰祖支祠。歉而復振。

駟公遺廟。嚮而益豐。糾集本支。彙成墨譜。及修理觀音

閣等事。皆經營盡善。而費重貲。不惜者也。鍾氏吾甯巨

族也。優爲龍鳳。劣猶虎豹。其才具性情。豈能一致。然皆



委心聽教於公焉。蓋公雖未嘗發揚歷宦途。而當監修族譜。及充族長時。大索以公正自處。居嘗有就質者。公詳其原委。諭以情理。而善其調停。於是其紛以解。他日有反側者。莫不憚於見公而旋。亦自悔噫。是昔陳君實之爲人。不料復見於今日也。鴻儀自祖父以來。與公居相近。又益之以姻好。嘗聞其言曰。境無論豐嗇。惟儉與勤。人無論智愚。惟秉公與直。斯道也。惟公能言之。亦惟公能行之耳。迄今公沒有年。尤令人景慕於不置也。德配譚太孺人。黽勉同心。謹守鍾郝之禮。



法。故能輔公以成德。而以義方訓其子孫。所謂母儀足式者也。茲值公族續修譜帙告成。謹誌其崖畧以示不忘云。

姻再姪邑庠生楊鴻儀頓首拜

撰

### 栗岑公傳

歲進士鍾公栗岑諱昌斗。余家三世奉為師資。余生而公沒。不獲躬受教言。然讀公所為詩古文詞。慨然想見其為人。又嘗聞諸祖父。尤能得其崖畧。蓋公為鄉先輩。松溪公之冢嗣。松公品學綦優。具詳其家乘。



信乎淵源有自矣。公以妙齡蜚聲黌序。旋食廩餼。學問人品。冠乎士林。所最契如蔣衡堂。陳元青。周心緒。諸公。論地談天。吟風弄月。一切鄙瑣之事。無與焉。邑令王公餘英。稱其行芳學富。良不誣矣。講學數十年。從游者以百數計。知名之士。多出其門下。惜乎文人數厄。屢薦不售。卒以鄉貢終耳。然公無悒七之容。以書田爲樂事。晚尤習靜。慕王摩詰之爲人。仙峯踞一方之勝。公卜築於其麓。名其堂曰志山。地遠塵囂。俗敦古樸。公於此菟裘老矣。沒年七十有二。端坐而遊觀。其所自



作祭文輓聯。殆所謂全空色相者歟。所著有志山文集。

精純樸茂。浸淫乎大家。又有囊棗一集。筆墨在聊齋。倉

山之間。雖鬪巧爭奇。言皆足以醒世。其餘雜作流播四

方。開後人法門無數。今之學者罕匹休焉。又其奇迹。則

如某僧房嘗見怪。公獨宿。其中夜分。似有眾僧欲來

相擾。忽聞有呼公在此。毋相翮者。音名攝乳怪遂紛然散。邪不勝

正。理固然矣。其他軼事多為人思慮所不及者。未遑縷

述。大抵如公者。吾輩之山斗也。德配湯孺人。淑慎同

心。爭輝鍾郝。令嗣君建萬公。養元公。能世其家業。稱濟



美焉。公之行誼，大邑大德，亦不其極。畧載於邑乘。茲值其續修家譜，不揣固陋，謹爲之述其梗概，以誌景仰云。

世再姪邑庠生楊鴻儀拜撰

### 鍾翁厚德傳

羅仙峯之陰，有阜曰鐵石。其石齷而赤青，黧而黑黃，旋入而窳窳，狀不一，率竒秀可喜。鍾翁厚德，實結廬於此。翁性平直，劬書不遇，居家斬斬有法度，與人接不可於意，輒奮舌如刀，銳削難近。或以勢橫鄉里，務欲氣出其上，挺不爲屈，顧胸無城府，恤人孤寡，若



瘡疖之剝膚解人轆轤糾紛至傾橐無恡色愛學人晉  
接有加禮鄉族有事必欲得翁與俱咸矜頤曰一何長  
者宜後人之奉畢而佔者將有以耀厥聲也翁嗜音樂  
晚以此自怡年五十一卒今五十年所矣過其廬者其  
撇捋之狀瞋菌礮杙之響猶髣髴遇之古松流泉間翁  
諱萍昌字萍實鹿鳴其別號云

湘邑郡庠生張發濬拜撰

上九公傳

族叔知先定國訓素所契好者也歲辛未兩叔偕諸君



入局。修輯支譜。將勒成書。訓躋局燕賀。眾皆雀躍。兩叔獨若有不豫色。然叩其故。曰。譜以表揚先世。余兄弟生也。晚雖不及見吾祖父之形容。猶得聞吾祖父之品行。有不可爲尋常測者。茲譜將竣。恨不獲以筆墨紀之。俾後嗣可奉爲楷模焉。余兄弟是以有憂色。訓不揣縷詢公之爲人。遂援筆而叙其畧。公諱鳳昌。字上九。生平忠信誠慤。不好爲軌隨事。亦絕不矜己以傲人。其事二老於庭幃也。盡愛盡敬。其最後嗣於膝下也。教讀教畊。他如處隣里以和待族黨以睦。尤昭然在人耳目間。然



此皆人生分內事何必瑣爲述獨不解寄跡林泉雲壑  
間優游歲月亦似與物無涉也者乃心研岐黃專習小  
兒一科有求拯者雖昏莫叩門不以嚴寒酷暑吝其步  
設貧不能醫者示以方且予以藥物愈後不計其謝值  
噫公之慈幼若此假令當日出山林而登廊廟其惠鮮  
懷保之愛深足爲刻薄寡恩者媿矣今燒公家孫孫子  
子玉砌蘭芽積德累仁之報其有艾也乎

族姪曾孫明訓椿樞敬撰

養元公傳



公諱大忠

字題

邑名士廩貢生栗岑先生之仲嗣也栗岑

先生禔躬植品不雕不琢其所學煞有根柢每制藝出輒鎔經鑄史研都鍊京而又博洽羣書所作詩古文詞傳誦者珍爲吉光片羽自爲諸生時執經請業者不下數百人人故多有獲其益而得雋者方栗岑先生之訓公也亦如訓他人子弟然公於父子之間雖無異聞而人之未及心領神悟者公則心摹力追獨得讀書真種子固宜接踵黌宮蜚聲雲路而乃卒困童軍一衿未博天之厄人願如是耶雖然遇不遇命也於公究



何憾 公敦品勵行，綽有父風。而本家學以授人，春風  
滿座，一如遊栗岑先生之門第。公性謹嚴，不肯貽誤  
子弟。遇姑息爲愛者，每齟齬不合，璞玉渾金，罕逢知識。  
自是 公亦不屑理硯傭事。晚慕蘇雲卿之爲人，抱甕  
灌園，轉得至樂。卓哉 公之德配吾族姑也。公沒後十  
餘年，姑母猶在年，且七十，白髮皤然，自傷無後，盡出其  
公之田園遺業歸諸 公之兒子。惟以百金自奉，適族  
有續譜之修，姑母念 公一生學問鬱鬱以終，旣自嘆  
身之不及爲 公，續其嗣而又不忍及身而沒 公之



行誼爰命瀉代爲走筆以表諸家乘特未審措詞寡當  
稍有合於公之萬一否云爾

內姪胡鎮瀉鏡臣氏謹撰

鍾公垂典大人蔡老孺人夫婦合傳

公諱大訓字垂典添佐公之孫思源公之子也昆季三  
公居長雲舅父鍾公心莊之房弟也極相友善雲自少  
時嘗從舅氏登堂拜謁見公敦龐醇固衣冠古處宗  
族鄉里翕然交譽久之始得其詳公孝友性成萊衣  
戲彩棣萼聯歡門以外無間言焉公起家勤儉一絲



一粒恆念艱難而周恤親朋族黨則又不形恹蘄公  
有內兄中年染日疾孤獨無依公迎至其家命其子  
婦奉養日用飲食一如己焉至四十餘年之久毫無嫌  
隙臨終囑子養生送死後病故子代臨喪崇封馬鬣  
公有友子幼年失怙恃公憫其形影相弔代爲撫養  
數年有姪外孫兄弟幼弱父母早故公撫養十餘年  
至成立始遣去其待親朋之仗義有如此者公有族  
姪零丁孤苦又樸誠不能自立公撫與同居視如己  
子代姪綢繆立家計二十餘載臨終猶囑子爲姪完娶




以續一綫之脈。今已衣食自裕。震坎二索矣。其待族黨之一體。有如此者。道光年間。祠宇傾圮。公慨然倡議修飾。又道光八年。倡買蘇湖塘田業爲支祠。秋霜春露。用廣孝思。其追遠報本。有如此者。舉丈夫子二。長玉華。次玉亭。凡遠近義舉。令子出貲勸美。以故公所未竟者。子力成厥志。而長嗣玉華。尤爲鄉里族戚所推重。遇有糾結難釋之嫌。必秉直持平。力爲排解。董族事宏綱。庶務煥然一新。是雖哲嗣之生姿。卓越超絕。凡流抑以見公之義訓有方也。配蔡孺人。淑慎慈和。相夫課



子於同治六年棄養公生於乾隆五十二年丁未歲十  
 月十三日酉時沒於咸豐七年丁巳歲二月十八日寅  
 時享年七十歲葬本邑五都五區地名細屋灣下首附  
 伯父南山坐勢左壬山丙向今適續修家乘其長嗣玉  
 華託傳於雲雲卽耳聞目見者悉爲述之以誌公之  
 懿行於不朽云

同治十年辛未歲嘉平月上澣之一日也

邑庠生姪外甥戴春雲頓首拜撰





姻伯鍾心莊公傳

贈封修職郎鍾公心莊諱大榕子堂姊丈名文謙之父也。居既相近。凡子家事無鉅細。公皆竭力綢繆。無何而公沒矣。薦蘿之附。曷禁愴懷。茲值公族續修譜成。爰爲公敘其粗畧以附焉。公力學有年。以目疾故。遂安恬養。因習岐黃之術。叩門請者。踵相接也。公不問貧富。不避暑寒。或授之方。或給以藥。痊愈者眾。亦絕不計謝。值繼父之志。經理祠務。及觀音閣等事。皆殷懃不倦。費貲不惜。所謂世濟其美也。然鴻儀竊有爲。公不



解者焉。蓋公篤於友誼，急人之難，解人之紛，靡不盡力。家不甚富，而好以財物假人，徃往有子母不償者，未嘗形於辭色。他日相見，亦如故也。遇有忿爭，莫釋者。

公轍引爲已事。州長黨正，紛集其家，而公不以爲煩。或代償，或代給，而公不以爲費。有無賴者，受公之澤。

而反爲累於公。而公不以爲愛人之欺。人謂人不

以厚道待公。而公仍以厚道待人。誠然。予嘗窺

公之志，其所欲爲之善甚多，然而莫假以年，且再適而

未占吉夢，是何故歟。雖然，公沒矣。公之名未嘗俱



沒。卽謂公猶存焉可也。况得以堂兄字效之。公之子入繼。旣象賢。且蘭芽疊茁。他日之興。未有艾也。公得不於茲食其報也哉。

姻愚姪邑庠生楊鴻儀頓首拜撰

### 必壽公傳

必壽公諱大璞。先大父維翰公之冢嗣。昇之叔祖父也。公之行誼。昇目得而見之。亦耳得而聞之。熟悉特詳。茲值修譜。倘不略爲表述。異日將何面目見公於地下耶。特恐材羞襪線。鄙詞辱公。公或者念昇畧甚。讀



書原昇闡揚之意，遂不嫌其陋歟。公早歲居石塘坳，性稟樸質，習遠浮靡，其執事也約，其處世也公。知稼穡之艱難，所期無逸。凡晉接徃來，茶話酒話，隨其時之所值，絕不作勉強周旋。自是家漸豐饒，道光年價買猴栗，冲業徙地以居焉。其時洽比，固有加以橫逆者。公忍讓之餘，未嘗不欲相犄角。迨允旁觀，悅恣<sub>也</sub>，溷卒不構釁。而耗貲財比數年，族黨以經管屬之。公膺是任，矢慎矢公，毫無間語。噫，勤儉開基，忠厚裕後，公其當之而無忝矣。迄今公逝矣，回憶公兄弟析箸時，各得銀無幾晚。



年分給子媳較前且什數倍之。今公子若孫克繩武而象賢焉。膏腴日闢門第益光其發祥正未有艾也。德配曾慈人溫恭淑慎婉婉順馴稱內助焉。其懿行更不容沒。

姪孫明昇韻松頓首拜撰

### 輝武公傳

公諱文瑞輝武其號也。今距見背已八年矣。其生平行誼恐久而就湮。因卽昇等所記憶者質言之。昔先大父之育公也。以單丁而獨延門祚時。雖家不甚饒。衣



食外別無餘貲。先大父未嘗不珍愛之。乃公不倚

驕稍長卽能自立克儉克勤出作入息不少暇故甫入

學而卽輟讀者職是故也夫人處艱難祇知胼手胝足

多不顧名節大端而公之事祖父母也以孝待鄰

里戚友也以誠故平時卽忠厚自持言笑不苟而凡搢

募施濟諸事却又酌其鉅細無少吝倘所謂能持大綱

不爲小察者非耶育吾兄弟七僅存其六自教讀堯娶

外始以手置石塘坳偏居繼而苦蓄餘貲增其產業數

處嗣是田園漸闢乃得優游以樂餘年然當兒輩侍側



時猶且以勤儉爲訓以故壽踰八十而手不假鳩扶目  
不須言其貌鬢其獲康健有如此者今日者孫曾繁衍未始  
非食公之報也適今續修譜帙聊表梗概以誌焉一  
俾後人毋忘先德云爾

男熺熿炯炳亮昇謹述



軒騎人其志武臨云爾  
 我食不文雖此凶令餘刻斷判明  
 不取鑿類其對氣對向故出香今日  
 翻節且以慎劍氣隨以越壽編八十  
 不即錄其目





領譜名目

知字壹號存本祠

知字貳號存北冲公祠

知字叁號存科公祠

知字肆號存會高領收

知字伍號存玉華領收

知字陸號存德明領收

知字柒號存韻松領收

知字捌號存懋修兄弟領收

知字玖號存郁培領收

知字拾號存定國領收

音字壹號存藍田兄弟領收

音字貳號存桂堂領收

音字叁號存子彰公祠

音字肆號存廷命公房

音字伍號存瓚房添秩公祠

音字陸號存瓚房子璧公祠



音字柒號存隆房運甫公祠

音字捌號存隆房良甫公祠

音字玖號建都公房領收

音字拾號信南公房領收

門字壹號武材公房領收

門字貳號衛良公房領收

門字叁號順德領收

門字肆號朝端公房領收

門字伍號苾芬公房領收

門字陸號章兩公房領收

門字柒號尊爵公房領收

門字捌號寶維公房領收

門字玖號慎五公房領收

門字拾號金重公房領收

第字壹號寶臣兄弟領收

第字貳號振聲兄弟領收

第字叁號明輝領收

第字肆號光耀領收



第字伍號萬益領收

第字陸號梁山領收

第字柒號河清兄弟領收

第字捌號儀彩兄弟領收

第字玖號寔高領收

第字拾號寔理其藻領收

家字壹號俊美兄弟領收

家字貳號忽齋領收

家字叁號四美兄弟領收

家字肆號有鱧兄弟領收

家字伍號文魁領收

家字陸號見聞兄弟領收

家字柒號體仁兄弟領收

家字捌號在元領收

家字玖號彩蘭領收

家字拾號漢卿兄弟領收

風字壹號拔萃領收

風字貳號曉源兄弟領收



風字參號春培領收

風字肆號榮斌兄弟領收

風字伍號敬修公房領收

風字陸號三益兄弟領收

風字柒號從善領收

風字捌號心傳領收

風字玖號道有領收

風字拾號茂森領收

古字壹號榮堂兄弟領收

古字貳號存廣房公祠

古字參號存浩房公祠

古字肆號存祥房公祠

古字伍號存全房公祠

古字陸號存良房全

古字柒號存良房新康祠

古字捌號貴和兄弟領收

古字玖號騰生祠值年輪流領收

古字拾號擇芳彩芳領收



歲辛未我等修輯支譜印刷七十冊願以知音門第家風古  
七字每字從一號起至十號止戳記十冊以符譜數除送譜  
外頒發我本支各房領收第譜名家乘上繼祖宗之  
子孫之緒奚可任其殘蝕畧不經心凡領譜者須頻加  
毋爲蟲鼠咬傷毋爲油腐污壞可耳

智公房裔謹識



畏為蠱風如書畏為曲齊我對可耳  
 予將之蘇突何耳其幾齡畧不聲尔只  
 根既發為本支各畏賄如策諸各寒乘土  
 小字每字於一與故至十號五輝信十  
 幾辛未年著刻神支諸日佩十十用歷以  
 音門象寒風古

賢公民奇精精





跋

天下事續述之緒未開斯初始之謀不得不因時而建  
更有與章具在變易陳規而仍不失為仁孝者  
氏譜帙肇始有明國朝康熙戊子瀚寧合編乾隆乙  
酉續輯不海廣浩三房支譜嘉慶己卯重修  
溯委輯闕蒐遺覈訂精詳瞭若指掌而紀事有關於綱  
常書法必正其名分尤炳炳焉有可為後世法者後之  
人敢數典而忘之耶頃因粵匪不靖蹂躪中原近若長  
善沅益遠若西蜀長安等處皆吾族所散布而居者也



屢經兵燹逃散流亡亂離之餘保無散軼譜帙欲考核  
徵信無從者乎爰咸豐年倡集族議續修家史無何人  
心如面十餘年間此可彼否意見各殊終同道謀築舍  
越同治癸亥祠祀畢復謀是舉族議始諧旋因微間不  
釋眾志不無瓦解譜未合族未收矣何歎如之區區  
修以還歲易時移屈指年將週甲昔人有言曰譜  
年不修不孝又曰人間兩世不修譜則視至親  
倘復遷延歲月不終等同堂若秦越哉况我支食指愈  
繁生娶沒葬較各房各支尤難更僕數者不已從權變



計謫輯我 支祖昭明公支譜眾皆忻然樂從一時倡

修有人纂修有人總修又有人遂於客歲庚午夏月搜

尋道光丁未年 庭華 騰九兩公編存墨簡

訂妥議章程彙刊條款扞定房修發給親供草冊於

今歲春賚交總修查核限蒲月望後入局鈔謄成

釐以定其次詳明以正其訛幾經審慎而始壽諸黎棗

茲幸閱數月而告成披覽之下覺自仁率親等而上之

至於祖自義率祖順而下之至於禰而且旁治昆弟親

者毋失其爲親昭穆序而長幼分生葬詳而廬墓誌體



製一稟前型規模悉遵成軌雖不敢云至當而心亦頗  
 無憾矣然猶支修而未能合修也尙冀各房各支羣踵  
 而行之俾族之賢能子弟有志合修者採輯成編雍睦  
 昭而孝弟之行愈敦則雖支修猶是合修之先助也豈  
 不美哉

裔孫公啟

此亦人集... 支修... 合修... 雍睦... 昭而... 孝弟... 行愈... 敦則... 雖支... 修猶... 是合... 修之... 先助... 也豈... 不美... 哉



